

**322**

Na osnovu člana 17. stav 2. i člana 72. Zakona o hrani ("Službeni glasnik BiH", broj 50/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine u saradnji s nadležnim organima entiteta i Brčko Distrikta Bosne i Hercegovine, na 4. sjednici, održanoj 21. marta 2012. godine, donijelo je

**PRAVILNIK  
O IZMJENAMA I DOPUNAMA PRAVILNIKA O SOLI  
ZA LJUDSKU ISHRANU**

Član 1.

U Pravilniku o soli za ljudsku ishranu ("Službeni glasnik BiH", broj 39/09) u članu 1. stav (2) iza riječi: "moraju biti ispunjene u proizvodnji," dodaje se riječ "uvozu,".

Član 2.

U članu 2. stav (2) riječi: "u različitim količinama" zamjenjuju se riječima: "u količinama dozvoljenim za ljudsku ishranu", a iza riječi "hlorid", dodaju se riječi: "i ostali minerali".

Iza stava (3) dodaje se stav (4) koji glasi:

"(4) Kao so za ljudsku ishranu ne smiju se koristiti nusproizvodi hemijske industrije, ili so nekog drugog porijekla, osim porijekla navedenog u članu 2. stav (1) ovog Pravilnika."

## Član 3.

U članu 7. tačka a) mijenja se i glasi: "a) da sadrži najmanje 99% natrijeva hlorida, računato na suhu materiju (isključujući aditive, odnosno hranjive materije), izuzev morske soli koja može da sadrži najmanje 97% natrijeva hlorida;"

Tačka b) mijenja se i glasi: "b) da ne sadrži više od 0,2% vode, osim morske soli koja može da sadrži do 3% vode;"

## Član 4.

U članu 10. stav (1) iza riječi "proizvodnje" dodaje se riječ "uvoza".

U stavu (2) tačka a) iza riječi "proizvodnje" dodaju se riječi: "i dorade".

U stavu (2) tačka b) iza riječi "proizvodnje" dodaju se riječi "i dorade".

U stavu (3) iza riječi "prostor" stavlja se dvotačka, a ostatak teksta se briše.

Stav (4) mijenja se i glasi:

"(4) So se stavlja u promet samo u originalnom pakovanju u ambalaži koja obezbjeđuje očuvanje kvaliteta proizvoda (naročito sadržaja joda u soli) do momenta otvaranja u roku upotrebe"

## Član 5.

Ovaj Pravilnik stupa na snagu osmog dana od dana objavljivanja u "Službenom glasniku BiH".

VM broj 27/12  
21. marta 2012. godine  
Sarajevo

Predsjedavajući  
Vijeća ministara BiH  
**Vjekoslav Bevanda**, s. r.